

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine FBiH“, broj: 15/05), a u cilju planiranja, kvalitetne izrade i transparentne provedbe planova pomoći održivog povratka u 2023.godini, Federalno ministarstvo raseljenih osoba i izbjeglica objavljuje

**Javni poziv
za učešće u Programu pomoći u obavljanju pripravničkog staža
kroz rad sa ili bez zasnivanja radnog odnosa povratnika sa VSS
na području entiteta Republika Srpska**

i

u općinama entiteta Federacija BiH: Odžak, Orašje, Domaljevac-Šamac, Čelić, Doboј Istok, Gradačac, Kalesija, Kladanj, Sapna, Teočak, Goražde, Foča FBiH, Pale FBiH, Prozor-Rama, Ravno, Stolac, Čapljina, Mostar, Jablanica, Bosansko Grahovo, Drvar, Glamoč, Kupres, Livno, Ključ, Bosanski Petrovac, Sanski Most, Bosanska Krupa, Bužim, Busovača, Fojnica, Gornji Vakuf-Uskoplje, Vitez, Dobretići, Donji Vakuf, Jajce, Kiseljak, Kreševo, Doboј Jug, Maglaj, Olovo, Vareš, Zavidovići i Žepče.

I

Svrha Javnog poziva:

Javni poziv se objavljuje u svrhu prikupljanja prijave fizičkih lica – povratnika ili članova povratničkih domaćinstava, sa visokom stručnom spremom, kao i prijave pravnih lica (organi uprave, javne ustanove, javna ili privatna preduzeća, zadruge, obrtnici, udruženja i sl.) - zainteresovanih za angažovanje prijavljenih kandidata, u okviru Programa pomoći u obavljanju pripravničkog staža/stručnom osposobljavanju, kroz rad sa ili bez zasnivanja radnog odnosa, povratnika ne području entiteta Republika Srpska i slijedećih općina entiteta Federacija Bosne i Hercegovine: Odžak, Orašje, Domaljevac-Šamac, Čelić, Doboј Istok, Gradačac, Kalesija, Kladanj, Sapna, Teočak, Goražde, Foča FBiH, Pale FBiH, Prozor-Rama, Ravno, Stolac, Čapljina, Mostar, Jablanica, Bosansko Grahovo, Drvar, Glamoč, Kupres, Livno, Ključ, Bosanski Petrovac, Sanski Most, Bosanska Krupa, Bužim, Busovača, Fojnica, Gornji Vakuf-Uskoplje, Vitez, Dobretići, Donji Vakuf, Jajce, Kiseljak, Kreševo, Doboј Jug, Maglaj, Olovo, Vareš, Zavidovići i Žepče.

II

Cilj Programa

Cilj Programa je da se omogući stručno osposobljavanje, odnosno sticanje odgovarajućeg radnog iskustva **za 100 povratnika/članova povratničkih domaćinstava sa VSS**, čime će se dodatno povećati njihova konkurentnost na tržištu rada, te stvoriti bolji uslovi za zapošljavanje ovih lica, a sve u cilju održivog povratka i zadržavanja mladih obrazovanih kadrova u BiH.

III

Iznos sredstava koji se odobrava

- (1) Ministarstvo će poslodavcima koji budu obuhvaćeni Programom i potpišu **Ugovor o radu bez zasnivanja radnog odnosa** sa kandidatima u trajanju do 12 mjeseci, jednokratno uplatiti sredstva namjenjena za isplate mjesečnih naknada za tekuće troškove kandidatima (radna odjeća, troškovi putovanja, ishrane i smještaj, te drugi troškovi koji su u vezi sa izvršenjem radnih zadataka), kao i uplate obaveznih poreza, doprinosa i/ili osiguranja kandidata za slučaj povrede na radu i profesionalnog oboljenja, u iznosu određenom u skladu sa važećim propisima. **Odobreni iznos po kandidatu, za period od 12 mjeseci, ne može prelaziti 6.000,00 KM za isplate neto naknada kandidatu (mjesečne naknade od 500KM). Ovaj iznos će biti uvećan za iznos sredstava namjenjenih za izmirenje obaveznih doprinosa shodno važećim propisima**, a tačan iznos će zavistiti i od ukupnog broja kandidata iz reda fizičkih lica, te eventualne spremnosti sufinansiranja navedenih troškova od strane poslodavaca.

- (2) Ministarstvo će poslodavcima koji budu obuhvaćeni Programom, a potpišu **Ugovor o radu sa zasnivanjem radnog odnosa** sa kandidatima, jednokratno uplatiti sredstva za isplatu plate i obaveznih doprinosa, u iznosu određenom u skladu sa važećim propisima. Odobreni iznos po kandidatu za period od 12 mjeseci ne može prelaziti **9.000,00 KM**, a tačan iznos će zavistiti od ukupnog broja kandidata iz reda fizičkih lica, trajanja staža i spremnosti sufinansiranja navedenih troškova od strane poslodavaca.

Poslodavac je obavezan da iz jednokratno uplaćenog ukupnog iznosa sredstava izvrši navedene uplate/isplate na mjesečnom nivou, te o istom, po okončanju programa, Federalnom ministarstvu raseljenih osoba i izbjeglica dostavi godišnji finansijski izvještaj sa pratećom dokumentacijom.

IV

Pravo na učešće u Programu imaju kandidati koji ispunjavaju slijedeće kriterije:

A) Opći kriteriji za fizička lica / nezaposlene povratnike sa VSS

1. da su povratnici ili članovi povratničkih domaćinstava u mjestu prijeratnog prebivališta i to:
 - manjinski povratnici u entitet Republika Srpska;
 - povratnici / raseljena lica i izbjeglice koje su se vratile na područje općina, navedenih u tački i ovog javnog poziva, u entitetu Federacija Bosne i Hercegovine;
2. da imaju prijavljeno prebivalište u općinama na području Republike Srpske ili u navedenim općinama Federacije BiH;
3. da imaju VSS – VII stepen stručne spreme, prvi, drugi ili treći ciklus Bolonjskog sistema studiranja, na jednoj od visokoškolskih ustanova u Bosni i Hercegovini ili inostranstvu;
4. da se nalaze na evidenciji nezaposlenih lica kod nadležne službe za zapošljavanje;
5. da nemaju odgovarajuće radno iskustvo nakon sticanja visoke stručne spreme.

B) Opći kriteriji za pravna lica / poslodavce

1. da su pravna lica registrovana u skladu sa važećim zakonima čije je područje djelovanja u Republici Srpskoj ili navedenim općinama FBiH (organi uprave, javne ustanove, javna ili privatna preduzeća, zadruga, obrtnici, udruženja i sl.);
2. da posjeduju aktivan transakcijski račun;
3. da su spremni organizovati obavljanje pripravnčkog staža za najmanje jednog kandidata.

V

Prijava na Javni oglas treba obavezno da sadrži slijedeće dokumente:

A) Prijava - fizička lica

1. Čitko popunjenu i potpisanu prijavu na Javni oglas, na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića 2 Sarajevo;
2. Originalno uvjerenje/obavještenje o prebivalištu (CIPS), ne starije od 30 dana izdato u općini povratka;
3. Uvjerenje/potvrdu o ostvarenom povratku sa naznakom godine povratka za nosioca domaćinstva u kojem aplikant živi (izdato od nadležnog organa, original ili ovjerena fotokopija);
4. Ovjerena izjava o zajedničkom domaćinstvu/kućna lista, ne starija od 6 mjeseci;
5. Ovjerena kopija diplome ili uvjerenje o završenoj stručnoj spremi (nostrificirana diploma ukoliko fakultet nije završen u BiH);
6. Uvjerenje nadležne službe za zapošljavanje da se kandidat nalazi na evidenciji nazaposlenih osoba, ne starije od 3 mjeseca;
7. Lična izjava kandidata da do sada nije obavio pripravnčki staž, odnosno da nema odgovarajuće radno iskustvo koje je uvjet za rad u struci, ovjerena od strane općinske službe za ovjeru potpisa ili kod notara.

B) Prijava - pravna lica

1. Čitko popunjenu, potpisanu i ovjerenu prijavu na Javni oglas, na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića 2 Sarajevo;

2. Kopija rješenja o registraciji ili aktuelni izvod iz sudskog registra /rješenje o osnivanju pravnog lica (akt o osnivanju);
3. Kopija rješenja o registraciji poreskog obveznika u Poreskoj upravi (JIB);
4. Dokaz da poslovni subjekt posjeduje aktivan transakcijski račun (Ugovor o otvaranju računa ili potvrda sa brojem računa izdata od strane banke)

Napomena: Dokaz pod 4 se dostavlja kao original ili ovjerena fotokopija ne starija od 30 dana
VI

Sa odabranim kandidatima će se zaključiti ugovor o stručnom osposobljavanju ili ugovor o stručnom usavršavanju, **sa ili bez** zasnivanja radnog odnosa, za period ne duži od 12 mjeseci.

VII

Prava i obaveze učesnika u Programu bit će uređena u skladu sa odredbama Zakona o radu Republike Srpske ("Službeni glasnik RS", broj: 1/16 i 66/18) odnosno Zakona o radu Federacije BiH ("Službene novine FBiH", broj: 26/16 i 89/18).

VIII

U slučaju prijavljivanja većeg broja kandidata u odnosu na raspoloživa sredstva, prednost će imati kandidati koji duži period čekaju na zaposlenje, a u posebnim slučajevima će se, za potrebe konačnog izbora, imenovati komisija koja će obaviti intervju sa kandidatima.

IX

U slučaju prijavljivanja nedovoljnog broja pravnih lica u odnosu na broj prijavljenih kandidata, kao i u obrnutom slučaju, Ministarstvo zadržava pravo da prema potrebi, putem pregovaranja sa pravnim licima, odnosno preko općinskih organa ili biroa za zapošljavanje, u program uključi i dodatne učesnike, te proširi listu općina za potencijalne poslodavce odnosno pravna lica sa područja Federacije BiH.

X

Prijave sa svim traženim dokumentima dostaviti lično ili poštom preporučeno, sa naznakom
"Prijava na Javni poziv za program PRIPRAVNICI",

na adresu:

**Federalno ministarstvo raseljenih osoba i izbjeglica
Hamdije Čemerlića 2
71000 Sarajevo**

(Na poleđini koverta navesti naziv/ime i prezime podnosioca, tačnu adresu i kontakt telefon)
Javni poziv ostaje otvoren 30 dana od dana objavljivanja

Nepotpune i neblagovremene prijave neće se uzimati u razmatranje.

Broj: 03-32- 3- 125-1 /23
Sarajevo, 12.06.2023.godine

MINISTAR

Nerin Dizdar